




# საშურის მოახბა



№22 (304)

19 ივლისი, ორშაბათი, 2021 წელი

## ამერიკის ელჩი - ხაშურში

გასულ კვირას, ხაშურის მუნიციპალიტეტს ამერიკის შეერთებული შტატების ელჩი საქართველოში - კელი დეგანანი სტუმრობდა. ელჩი შეხვდა მუნიციპალიტეტის მერის მოვალეობის შემსრულებელს ზვიად ქურდაძეს. შეხვედრის შემდეგ, ამერიკის ელჩი, თანმხლებ პირებთან ერთად, ხაშურის ცენტრალურ ბიბლიოთეკას ესტუმრა, სადაც, ამერიკულ კუთხეში, მათ დახვდნენ მოუწყვეს. ოფიციალური სტუმრები ინტერესით

გაეცნენ ამერიკული კუთხის საქმიანობას. მოისმინეს იმ პროექტების შესახებ, რომელიც ამ კუთხის და საბიბლიოთეკო გაერთიანების ძალისხმევით განხორციელდა. ელჩი დაესწრო ACCE-ის ფარგლებში, ინგლისური ენის მასწავლებლების ტრენინგსაც.

- სასიამოვნოა იმის მოსმენა, რომ ამერიკის კუთხე მნიშვნელოვან როლს თამაშობს მუნიციპალიტეტის კულტურულ თუ სოციალურ რეალობაში. ამიტომაც შევეცდებით, რომ მისი აქტივობა უფრო გაფართოვდეს, რომ უფრო მნიშვნელოვანი როლი ითამაშოს ამერიკული და ქართველი ხალხის ურთიერთობის გაღრმავების საქმეში, - განაცხადა კელი დეგანანმა.



## ტრენინგი გენდერული თანასწორობის საკითხებზე

ხაშურის მუნიციპალიტეტის სოფელ ტკოცაში გენდერული თანასწორობის საკითხებზე ტრენინგი გაიმართა.

გაეროს სურსათისა და სოფლის მეურნეობის ორგანიზაციის (FAO) სოფლის მეურნეობისა და სოფლის განვითარების პროექტის ფარგლებში შიდა ქართლის საპილოტე, ატენისა და ფლევის თემების განვითარების გეგმის ფარგლებში ჩამოყალიბდა ქალთა ჯგუფები, რომელთა მიზანია ადგილობრივი თემის განვითარების პროცესში სხვადასხვა ჯგუფის წარმომადგენელი ქალების ჩართულობა საკუთარ უფლებებზე და სხვა იმ საკითხებზე ცოდნის ამაღლებით, რომლებიც მათ ყოველდღიურ ცხოვრებასა და კეთილდღეობას განსაზღვრავს.

გაეროს სურსათისა და სოფლის მეურნეობის ორგანიზაციის (FAO) ინიცირებით, პროცესში ხაშურის მუნიციპალიტეტისა და გორის მუნიციპალიტეტის გენდერული თანასწორობის საბჭოებიც ჩაერთნენ, რამდე-

ნადაც საბჭოები ადგილობრივ დონეზე წარმოადგენენ მნიშვნელოვან როლს ადგილობრივ დონეზე ქალთა ჯგუფებთან და ზოგადად მოსახლეობასთან კოორდინაციის და საკუთარ უფლებებზე ცნობიერების ამაღლების მიმართულებით.

ამ მიზნით სოფელ ტკოცაში ხაშურის მუნიციპალიტეტის ფლევის თემში და გორის მუნიციპალიტეტის ატენის თემში მცხოვრები ქალებისთვის ჩატარდა ტრენინგი, რომელსაც უძღვებოდა ხაშურის მუნიციპალიტეტის გენდერული თანასწორობის საბჭოს წევრი ნინო სუხიაშვილი. ტრენინგს ესწრებოდნენ გორის მუნიციპალიტეტის გენდერული თანასწორობის საბჭოს მდივანი ვერიკო ბიწაძე და გაეროს სურსათისა და სოფლის მეურნეობის ორგანიზაციის (FAO) წარმომადგენელი სალომე ქინქლაძე.

ტრენინგზე იმსჯელეს გენდერული თანასწორობის ხელშემწყობ საკანონმდებლო მექანიზმებზე, ქალის მიმართ ძალადობის პრევენციის, ქალის, ადამიანის უფლებების შესახებ და ა.შ. გაიმართა საინტერესო დისკუსია.

ტრენინგი ტკოცის საჯარო სკოლაში ჩატარდა.



## ვაყაში გზის სარეაბილიტაციო სამუშაოები მიმდინარეობს

ამ ეტაპზე ხორციელდება გზის მოსწორება, რის შემდეგაც გათვალისწინებულია გზის

მოასფალტებისა და სანი-აღრე არხების მოწყობის სამუშაოები.

„ვაყა მჭიდროდ დასახლებული სოფელია, შესაბამისად, შიდა გზების მოწესრიგება აქაური მოსახლეობის საყოფაცხოვრებო პირობების გასაუმჯობესებლად მნიშვნელოვანია. პროექტს მთლიანად ადგილობრივი ბიუჯეტიდან ვაფინანსებთ, რისთვისაც 349 000 ლარი გამოვყავით.“ აღნიშნა ადგილზე სამუშაოების დათვალიერებისას ხაშურის მუნიციპალიტეტის მერის მოვალეობის შემსრულებელმა ზვიად ქურდაძემ.

სოფელ ვაყაში მიმდინარე ინფრასტრუქტურული პროექტი ორ თვეში დასრულდება, რის შემდეგაც 2000-ზე მეტი ადგილობრივი მოსახლე და სტუმარი რეაბილიტირებული გზით ისარგებლებს.



## ხაშურის მუნიციპალიტეტის 2021 წლის ბიუჯეტის ექვსი თვის შესრულების ანგარიში

ხაშურის მუნიციპალიტეტის 2021 წლის ბიუჯეტი დამტკიცებულია მუნიციპალიტეტის საკრებულოს 2020 წლის 16 დეკემბრის № 21 დადგენილებით.

დამტკიცებული ბიუჯეტის მიხედვით, 2021 წლის ბიუჯეტის მოცულობა განისაზღვრა 17 476.2 ათასი ლარის ოდენობით. მუნიციპალიტეტის ძირითად საბიუჯეტო ანგარიშზე, 2021 წლის 1 იანვრის მდგომარეობით, ნაშთის სახით, ირიცხებოდა 3 424.2 ათასი ლარი. (ადგილობრივი -71 023, დელეგირებული -2 867 188, მთავრობა 485 991).

ხაშურის მუნიციპალიტეტის საკრებულოს დადგენილებების საფუძველზე განხორციელდა დამტკიცებულ ბიუჯეტში ცვლილებების შეტანა და 2021 წლის 30 ივნისის მდგომარეობით, 2021 წლის ბიუჯეტის მოცულობა განისაზღვრა 24 716.7 ათასი ლარით, რაც 7 240.5 ათასი ლარით აღემატება თავდაპირველად დამტკიცებული ბიუჯეტის მაჩვენებელს.

2021 წლის 30 ივნისის მდგომარეობით, შემოსულობების საკასო შესრულებამ 14 815.4 ათასი ლარი შეადგინა, რაც შესაბამისი პერიოდის გეგმის 132,36%, ხოლო წლიური გეგმის 66,18%-ს შეადგენს. რაც შეეხება შემოსულობების გეგმის შესრულებას, ცალკეული სახეობების მიხედვით, შემდეგნაირად გადაანაწილდა:

შესაბამისი პერიოდის გეგმასთან მიმართებაში გადასახადების გეგმა შესრულდა - 101,97% (7 930.4 ათასი ლარი), მათ შორის: დამატებითი ღირებულების გადასახადი - 92,76%-ით, საწარმოთა ქონების გადასახადი - 186,12%-ით, ფიზიკურ პირთა ქონების გადასახადი - 18,18% , სასოფლო სამეურნეო დანიშნულების მიწაზე ქონების გადასახადი -56,24% არასასოფლო სამეურნეო დანიშნულების მიწაზე ქონების გადასახადი - 18,43%.

სხვა შემოსავლების გეგმა შესრულდა - 113,2%-ით (847.9 ათასი ლარი), მათ შორის: მოსაკრებელი ბუნებრივი რესურსებით სარგებლობისათვის - 76,5%-ით, მოსაკრებელი მშენებლობის დაწყების ნებართვისათვის - 93,6%-ით, მოსაკრებელი დასახლებული ტერიტორიის დასუფთავებისათვის - 71,4 %-ით, შემოსავალი ჯარიმებიდან და საურავებიდან - 128,78%-ით, შემოსავალი მიწის იჯაროდან - 44%, შემოსავალი შენობა-ნაგებობის იჯაროდან - 70%, ხოლო არაფინანსური აქტივების კლებიდან მიღებული შემოსავლების გეგმა შესრულდა - 293%-ით.

2021 წლის 1 ივლისის მდგომარეობით, შემოსულობების საერთო ოდენობაში სახელმწიფო ბიუჯეტიდან მიღებული სახსრების ხვედრითი წილი შეადგენს 15,65%-ს (2 319.928 ათას ლარს), „საქართველოს 2021 წლის სახელმწიფო ბიუჯეტის შესახებ“ საქართველოს კანონის საფუძველზე, სახელმწიფო ბიუჯეტში მიზნობრივი დანიშნულების ტრანსფერიდან დელეგირებული უფლებამოსილების განსახორციელებლად გათვალისწინებულია- 225.0 ათასი ლარი, მიღებულია - 112.800 ათასი ლარი.

„საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ“ საქართველოს მთავრობის 2020 წლის 31 დეკემბრის 2685 განკარგულების საფუძველზე, ხაშურის მუნიციპალიტეტს

გამოეყო 6 030.350 ლარი ინფრასტრუქტურული ღონისძიებების განსახორციელებლად. (ნაბახტევი, სავანისუბანი, ქინძათი, დუმაცხოვი, რუსანთუბანი და მონასტერი, გზების მოასფალტების და ბეტონის საფარის მოწყობა).

„საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის ფარგლებში მუნიციპალიტეტებისათვის თანხის გამოყოფის შესახებ“ საქართველოს მთავრობის 2021 წლის 5 თებერვლის №168 განკარგულების საფუძველზე, ხაშურის მუნიციპალიტეტს გამოეყო 904 000 ლარი, სოფლის მხარდაჭერის პროგრამით გათვალისწინებული ინფრასტრუქტურული პროექტების განსახორციელებლად.

2021 წლის 1 ივლისის მდგომარეობით, გადასახადების საკასო შესრულებამ 10 500.1 ათასი ლარი შეადგინა, რაც შესაბამისი პერიოდის გეგმის 64%-ს შეადგენს, ფუნქციონალური კლასიფიკაციის მიხედვით, სამი თვის განმავლობაში გასაწვევი ხარჯებისა და არაფინანსური აქტივების გეგმის შესრულება გადაანაწილდა შემდეგნაირად: საერთო დანიშნულების სახელმწიფო მომსახურება - 71% (ხვედრითი წილი მთლიან ხარჯებში - 21,20%), თავდაცვა - 92% (ხვედრითი წილი მთლიან ხარჯებში - 1,05%), ეკონომიკური საქმიანობა - 47% (ხვედრითი წილი მთლიან ხარჯებში - 2,93%), გარემოს დაცვა - 81% (ხვედრითი წილი მთლიან ხარჯებში - 10,97%), საბინაო-კომუნალური მეურნეობა - 60% (ხვედრითი წილი მთლიან ხარჯებში - 9,34 %), ჯანმრთელობის დაცვა - 89% (ხვედრითი წილი მთლიან ხარჯებში - 0,89%), დასვენება, კულტურა და რელიგია - 70% (ხვედრითი წილი მთლიან ხარჯებში - 21,83%), განათლება - 74% (ხვედრითი წილი მთლიან ხარჯებში - 19,97%), სოციალური დაცვა - 82% (ხვედრითი წილი მთლიან ხარჯებში - 11,78%), ბიუჯეტის გადასახადების გეგმა ეკონომიკური კლასიფიკაციის კრიტერიუმში შემდეგნაირად შესრულდა: მუშა-მოსამსახურეთა შრომის ანაზღაურების ხარჯები - 86%-ით, სხვა საქონელი და მომსახურების ხარჯები -68%-ით, სუბსიდიები - 80%-ით, გრანტები -46%-ით, სოციალური უზრუნველყოფის ხარჯები - 89%-ით, სხვა ხარჯები - 38%-ით, არაფინანსური აქტივების ზრდა -57%-ით.

მუნიციპალიტეტის საკრებულოს 2021 წლის 16 დეკემბრის №21 დადგენილებით დამტკიცებული ბიუჯეტის მიხედვით, სარეზერვო ფონდის მოცულობა განისაზღვრა 30,0 ათასი ლარის ოდენობით. სარეზერვო ფონდის განკარგვა ხორციელდება მუნიციპალიტეტის მერის მიერ გამოცემული სამართლებრივი აქტების საფუძველზე. 2021 წლის 1 ივლისის მდგომარეობით, ხაშურის მუნიციპალიტეტის ბიუჯეტით გათვალისწინებული სარეზერვო ფონდიდან დაფინანსებულია შემდეგი ღონისძიება:

1. ხაშურის მუნიციპალიტეტის მერის 2021 წლის 29 ივნისის ბრძანებით - ხაშურის რაიონის სოფელ კლდისწყაროში მცხოვრები მარტოხელა მშობელის ფიქრია გელაშვილისათვის დახმარების გაწვევის მიზნით ბიუჯეტით გათვალისწინებული სარეზერვო ფონდიდან თანხის გამოყოფის შესახებ. (თანხა 500 ლარი).

ლელა მაჭარაშვილი,  
ხაშურის მუნიციპალიტეტის მერიის საბიუჯეტო  
სამსახურის უფროსი

## აიპ „ხაშურის მუნიციპალიტეტის საზოგადოებრივი ჯანდაცვის ცენტრის“ 2020-21 წლის კოვიდ -19-ის ანგარიში.

პირველი მონიტორინგი განხორციელდა ხაშურის მუნიციპალიტეტის ტერიტორიაზე მოფუნქციონირე ჩინურ სამშენებლო კომპანიებში. კერძოდ: 1.ჩინეთის რკინიგზის 23-ე ბრიგადა; 2. ჩინეთის სახელმწიფო საინჟინრო-სამშენებლო კომპანია; 3.კომპანია „სინო-ჰიდრო“. ჩატარდა მონიტორინგი 28-29-31 იანვარს,

12 აპრილს სოფ. ხიდისყურში დაფიქსირდა კორონა ვირუსის შემთხვევა (თბილისიდან აგარაკზე ჩამოსული პირი). მოხდა სოფლის ბლოკირება ჩატარდა ეპიდკვლევა, გამოძახებული იქნა გორის რეგიონალური ლაბორატორია, საექვო კონტაქტებზე აღებული იქნა ნაცხი და ისინი გადაყვანილი იქნა გორის სამხედრო ჰოსპიტალში. მათგან ერთს დაუდასტურდა კორონა ვირუსი, 12-ში ჩატარდა მთელი უბნის თერმოსკრინინგი. სოფელი გამოცხადდა საკარანტონო ზონად; 14-25 აპრილის პერიოდში ჩვენი ცენტრის

მიერ მიმდინარეობდა ყოველდღიური თერმოსკრინინგი და მონიტორინგი (84--პირზე). პათოლოგიის ნიშნები არ გამოვლენილა.

აპრილის თვიდან დაიწყო მიზნობრივი ჯგუფების „ჩდ“-ტესტირება.(ტესტირება ჩატარდათ სასწრაფო დახმარების, ასევე კლინიკების მიმღებისა და რეანიმაციული განყოფილების მედპერსონალს, სოფლის ამბულატორიების პერსონალს , დიალიზის ბენეფიციარებს ,ფსიქიატრიული მედ პერსონალს. შიდა საზ. ტრანსპორტის მძღოლებს,შსს განყოფილებების თანამშრომლებს, პედაგოგებს, ბაღის თანამშრომლებს, სტომატოლოგებს, რელიგიის მსახურებს და სხვა რისკ ჯგუფებს.

ვაქცინაცია დაიწყო 2021წ 15 მარტს ასტრა ზენეკას ვაქცინით

1 ივლისის მონაცემები:			
ასტრაზენეკა	980	742(528+214)	
სინოფარმი	457	437(233+204)	
სინოვაკი	379	295(182+113)	
			ორი დოზით
სულ	1494	541	

	2020 წ	2021 წ	ჯამი
სულ ინფიცირებული-		1475	2973
ეპიდკვლევა-	1498	1475	2973
ბინაზე მკურნალობდა	1344	1181	2522
სტაციონარში	150	291	441
გარდაიცვალა	29	20	49
ჩატარდა ტესტირება	4692(3312)	18751 (3140)	23443(6452)
დადებითი დაფიქსირდა	813	1157	1970
გამოჯანმრთელდა	1445	1383	2828









# ხაშურის ხედი თრიალეთის ქედიდან

ბ. ნიქრიძის ფოტო

## ფეხბურთი

### „ივერიას“ შესანიშნავი ახალი თაობა ეზრდება

ფეხბურთში დაუწერელი კანონია: თუ გუნდი (კლუბი) მომავალზეა ორიენტირებული და წარმატებებისათვის იღვწის, პირველ რიგში, საკუთარი კადრების აღზრდაზე და დაოსტატებაზე უნდა ზრუნავდეს. ამის გარეშე, უბრალოდ, წარმოუდგენელია რაიმე მნიშვნელოვანზე ფიქრი. ხაშურის ფეხბურთის მესვეურებს ეს ყოველთვის კარგად ჰქონდათ გათავისებულები და გასული საუკუნის 30-იანი წლებიდან მოყოლებული, რაიონის უპირველესი გუნდი მუდამ ივსებოდა ახალი თაობის პერსპექტიული და ტალანტი ფეხბურთელებით. ამიტომაც იყო, რომ ჩვენს „ივერიას“ მუდამ ეჭირა საკუთარი ნიშა საქართველოს ფეხბურთის რუკაზე და ქვეყნის მასშტაბით, ყოველთვის იყო ანგარიშგასაწევი ძალა.



სამწუხაროდ, 90-იანი წლების საშინელმა უბედურებამ, სხვა ათას პრობლემასთან ერთად, თაობათა შორის ერთგვარი „წყვეტა“ შექმნა და „ივერიის“ დღევანდელი მდგომარეობის ერთ-ერთი მძლავრი ფაქტორი, სწორედ ეს გარემოება შეიქმნა. საბედნიეროდ, დღეს

რადიკალურად განსხვავებული მდგომარეობაა და ჩვენი სასპორტო სკოლა ისეთ ბავშვებს ზრდის, თამამად შეიძლება ითქვას, რომ „ივერიის“ მომავალი აშკარად უკეთესობისაკენ წავა. ამის დასტური, თუნდაც 2007 წლიანები არიან, რომლებიც შესანიშნავი და პროფესიონალი მწვრთნელების - ვახტანგ ჯაფარაშვილის და მევლუდ ლომიძის ხელში მნიშვნელოვან წარმატებებს აღწევნ და არცთუ შორსაა ის დრო, როცა ეს თაობა ბევრ სიხარულს მოუტანს ხაშურელ გულშემატკივრებს.

ეს ბავშვები, ამჟამად, იმერეთის ჩემპიონატში (ღია პირველობა) არიან ჩაბმულნი და პირველი წრის შემდეგ, ერთპიროვნულ ლიდერადაც გვევლინებიან. ამ ჩემპიონატში 21 გუნდი მონაწილეობს. ისინი სამ ქვეჯგუფში არიან გადანაწილებულნი. ჩვენები „ა“ ჯგუფში ასპარეზობენ და ცხრილიდანაც კარგად ჩანს, თუ რამდენად აღმატებიან სხვა გუნდებს. სექტემბერში მეორე წრე დაიწყება და I-II ადგილებზე გასული გუნდები - უკვე პლეი-ოფის სისტემით გამოავლენენ გამარჯვებულს. რა თქმა უნდა, მათი მიზანი ჩემპიონობაა და იმედია, ასეც იქნება. ახლა კი გაგაცნობთ ამ ბიჭებს, რომლებიც ჩვენი ფეხბურთის ხვალისდელი იმედები არიან.

ფოტოზე (მარცხნიდან მარჯვნივ):	N გუნდი	თ მ ფ ნ გ. მ. ± ქ.
რიგში - უკანა	1. „ივერია“ ხაშური	10 7 1 2 26 6 20 22
ჯაფარაშვილი (მწვრთნელი), ლუკა	2. „შუქურა“ ქობულეთი	10 5 1 4 14 17 -3 16
ჭავჭავაძე, მირზა	3. „საპოვნელა“ თერჯოლა	10 4 3 3 19 14 5 15
ტაბატაძე, საბა	4. „სამტრედია“ სამტრედია	10 4 3 3 14 15 -1 15
თიბილური, ნიკა	5. „ტორპედო 1“ ქუთაისი	10 2 3 5 9 19 -10 9
პაპიაშვილი, ლუკა	6. „მართვე“ საჩხერე	10 2 1 7 10 21 -1 7
პაპასკირი, გიგლა		

ლომიძე, დაჩი მასურაძე, ლუკა დავითაძე, ლუკა ლურსმანაშვილი, მევლუდ ლომიძე (მწვრთნელი); წინა რიგში: ლუკა ნადირაშვილი, საბა ამირიძე, საბა ჩიტაძე, გოგა ლომუაშვილი, საბა ბარბაქაძე, შოთა კიკნაძე. გუნდში არიან აგრეთვე ალექო კვინიკაძე, ნიკა მაზიაშვილი, გელა კანთელაშვილი, ლაშა კვერნაძე, ცოტნე ცხოვრებაშვილი, საბა ხარაიშვილი, რომლებიც, სამწუხაროდ, ამ ფოტოზე სხვადასხვა მიზეზის გამო არ არიან.

ჩვენ ძალიან გვეიმედება ამ ბიჭების. დაიმახსოვრეთ ეს სახელები და გარწმუნებთ, ამ თაობის ხელში „ივერია“ აუცილებლად გაბრწყინდება.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი და გაზეთის რედაქტორი გიორგი გოგალაძე.  
 მისამართი: ხაშური, ტაბიძის ქუჩა №2. ტელეფონი: 24 30 27.  
 E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499.  
 D-ით მონიშნული სტატია იბეჭდება დაკვეთით გაზეთი იბეჭდება თბილისში.